

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIVERSIDADE DE VIGO PARA O FINANCIAMENTO DO PROCESO DE ESPECIALIZACIÓN DO CAMPUS CREA.

DOCUMENTO ASINADO ELECTRONICAMENTE POR:

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIVERSIDADE DE VIGO PARA O FINANCIAMENTO DO PROCESO DE ESPECIALIZACIÓN DO CAMPUS CREA.

En Pontevedra, na data da sinatura electrónica

INTERVEÑEN

Dunha parte, dona María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34.1.b) da Lei 7/1985, de 2 de abril, Reguladora das Bases do Réxime Local.

Doutra, don Manuel Joaquín Reigosa Roger, reitor magnífico da Universidade de Vigo, nomeado segundo o Decreto da Comunidade Autónoma de Galicia, núm. 110/2022, de 9 de xuño, publicado no Diario Oficial de Galicia (DOG) nº 117, do 20 de xuño de 2022, de acordo coas competencias que lle outorga o artículo 20 da Lei Orgánica 6/2001, do 21 de decembro, de Universidades, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro e publicados no DOG núm. 38, do 22 de febreiro de 2019.

E dando fe do acto, don Carlos Cuadrado Romay, secretario xeral da Deputación de Pontevedra.

Todas as partes se recoñecen mutua e reciprocamente plena capacidade para o outorgamento do presente instrumento e, a tal efecto

EXPOÑEN

I.- Que a Universidade de Vigo é unha entidade de Dereito Público con personalidade e capacidade xurídica plenas e patrimonio propio, que realiza o servizo público da educación superior mediante a investigación, a docencia e o estudo, asumindo e desenvolvendo as súas funcións ao servizo da sociedade entre as que se atopan a difusión, a valorización e a transferencia do coñecemento ao servizo da cultura, da calidade de vida do desenvolvemento económico.

O proxecto Campus CREA dota ao campus de Pontevedra dunha maior singularidade e especialización en base ás súas vantaxes competitivas. Ademais, o proxecto aglutina baixo unha



mesma identidade e imaxe de marca todas aquelas áreas de coñecemento nas que o campus de Pontevedra ten experiencia e capital humano, tales como arte, comunicación, dirección e xestión pública, deporte, educación, forestais, publicidade e saúde. O concepto aglutinador de todas estas disciplinas (representado mediante a denominación CREA) relaciónase coa acción de “crear” e coa creatividade en si mesma, entendéndoa como un proceso esencial para a resolución dos problemas e retos sociais mediante novas solucións innovadoras adaptadas á realidade.

Por outra banda, o Campus CREA representa un campus dinámico e conectado coa súa contorna, mediante o establecemento de sinerxias e liñas de actuación conxunta entre a Universidade de Vigo e o tecido empresarial, económico, social e cultural da provincia e as Administracións públicas.

II.- Que a Lei orgánica 6/2001, do 21 de decembro, de universidades, pon a estas institucións ao servizo da sociedade atribuíndolles, entre outras, funcións de creación, desenvolvemento, transmisión e crítica da ciencia, da técnica e da cultura así coma de difusión, valorización e transferencia do coñecemento ó servizo da cultura, da calidade da vida, e do desenvolvemento económico.

A tal fin, acordan colaborar en iniciativas e proxectos que, desde a economía social, apoiem e contribúan ao desenvolvemento socioeconómico.

III.- Que a Deputación de Pontevedra e a Universidade de Vigo apostan decididamente pola colaboración co propósito de dotar de personalidade propia e identidade científica ao campus de Pontevedra a través da creación dun campus universitario con capacidade de proxección exterior e de creación de valor económico e social como motor de desenvolvemento territorial na provincia de Pontevedra.

IV.- Que para artellar a colaboración entre as partes cara á proxección exterior e de creación de valor económico e social como motor de desenvolvemento territorial na provincia de Pontevedra, prevese a fórmula do convenio como idónea para acadar os obxectivos propostos. Neste senso os convenios son acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común, tal como establecen os artigos 47 e os seguintes da Lei 40/2015, de 1 de outubro, de réxime xurídico do Sector Público. Os convenios constitúen un instrumento adecuado para desenvolver a súa cooperación en cuestións de interese común, segundo resulta do contido do artigo 57 da Lei 7/1985 de 2 de abril e 198 e seguintes da Lei 5/1997, de 22 de xullo, de Administración Local de Galicia.

Segundo a tipoloxía prevista no art. 47.2 da LRXSP o acordo de colaboración que se pretende celebrar acomódase ó previsto no seu apartado a) Convenios interadministrativos firmados entre

dos o más Administraciones Públicas, o bien entre dos o más organismos públicos o entidades de derecho público vinculados o dependientes de distintas Administraciones públicas, y que podrán incluir la utilización de medios, servicios y recursos de otra Administración Pública, organismo público o entidad de derecho público vinculado o dependiente, para el ejercicio de competencias propias o delegadas.

V.- Que de acordo coas precedentes consideracións e co fin de posibilitar a colaboración entre ambas as dúas entidades para a consecución real e efectiva de obxectivos de interese común como son o apoio e a contribución ao desenvolvemento socioeconómico da provincia de Pontevedra, ambas partes conveñen na concertación do presente convenio, con arranxo ás seguintes cláusulas:

CLÁUSULAS

PRIMEIRA. OBXECTO

O presente convenio ten por obxecto regular a colaboración entre a Deputación de Pontevedra e a Universidade de Vigo para contribuir ao proceso de especialización no que está inmerso o Campus universitario de Pontevedra. A financiación das actividades propostas contribuirá á consecución dos obxectivos marcados no Plan Estratéxico do Campus CREA.

O propósito deste convenio é realizar conxuntamente as seguintes actividades ou actuacións:

- Divulgación do Programa de Doutoramento CREA da Universidade de Vigo.
- Promoción e organización de eventos culturais e deportivos no Campus de Pontevedra ao abeiro do Campus CREA.
- Promoción e organización de proxectos colaborativos entre o Campus de Pontevedra da Universidade de Vigo e as entidades empresariais provinciais.

Todas estas actividades ou actuacións están detalladas e desenvolvidas no anexo I.

SEGUNDA. IMPORTE E FINANCIAMENTO

A Deputación de Pontevedra financiará una contía máxima de trinta mil euros (30.000,00€) as actividades a desenvolver, contra a aplicación 2023/942.9431.453.94 do vixente orzamento provincial, segundo consta no anexo I.

TERCEIRA. COMPROMISOS DA DEPUTACIÓN

A Deputación de Pontevedra comprométese a financiar os custos derivados do financiamento do proceso de especialización do Campus CREA (en concepto de divulgación do Programa de



Doutoramento CREA da Universidade de Vigo, promoción e organización de eventos culturais e deportivos no Campus de Pontevedra ao abeiro do Campus CREA e promoción e organización de proxectos colaborativos entre o Campus de Pontevedra da Universidade de Vigo e as entidades empresariais provinciais), que se corresponden coa totalidade do importe do convenio (100%), ata a cantidade máxima de trinta mil euros (30.000,00 €), de conformidade co disposto na cláusula segunda, que será librada contra a presentación das correspondentes facturas ou documentos análogos acreditativos do gasto efectuado, e na parte proporcional do financiamento, así como da restante documentación xustificativa necesaria e logo da súa fiscalización pola Intervención provincial.

A Deputación de Pontevedra prestará a colaboración e facilitará canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas, en cumprimento do disposto no artigo 53 da Lei 40/2015, de 1 de outubro, de Réxime Xurídico do Sector Público e da Resolución Presidencial núm. 2017008767 de 8 de maio de 2017.

CUARTA. COMPROMISOS DA UNIVERSIDADE DE VIGO

1. Asumir individualmente a obriga da organización e coordinación de todas as actividades realizadas ao abeiro deste convenio:

- Promover accións de promoción no entorno académico para o Programa de Doutoramento CREA.
- Planificar e executar accións deportivas no campus de Pontevedra que promovan os valores recollidos no Plan Estratéxico do Campus CREA.
- Planificar e executar accións culturais no campus de Pontevedra que promovan os valores recollidos no Plan Estratéxico do Campus CREA.
- Promover a transferencia de coñecemento da Universidade a empresas e institucións mediante a organización e execución de eventos e co fomento de actividades de difusión e investigación conxuntos.

2. Facer un seguimento e avaliación das actividades propostas e executadas.

3. Aprobar as correspondentes memorias técnicas, pregos de cláusulas ou documentos análogos que conteñan as condicións dos contratos necesarios para a completa realización das actividades programadas obxecto do convenio, así como calquera outro extremo que fose necesario para a súa execución.

4. Asumir a obriga, de ser necesario, de obter os correspondentes permisos e tramitar ante outros organismos as autorizacións pertinentes que fosen precisas.



5. Difundir as actividades e facer visible a colaboración da Deputación de Pontevedra no seu financiamento.
 6. Xustificar no prazo máximo de tres meses, dende o fin das actuacións perante a Deputación as actuacións executadas.
 7. Prestar a colaboración para facilitar tanta documentación lle sexa requirida no exercicio das funcións de fiscalización e control do destino das axudas que le correspondan á Intervención Provincial, ao Tribunal de Contas e ao Consello de Contas.
- Así mesmo, comprométese ao cumprimento das obrigas contidas na Lei 9/2007, do 13 de xuño, de subvencións de Galicia (LSG), e en especial as recollidas no artigo 11 da mesma. Tamén serán de aplicación o establecido no seu Regulamento, aprobado polo Decreto 11/2009, do 8 de xaneiro, na Lei 38/2003, de 17 de novembro, xeral de subvencións (LXS), e no seu regulamento, aprobado polo Real Decreto 887/2003, de 21 de xullo.
8. Comunicar á Deputación de forma inmediata a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.
 9. Elaborar unha memoria final que avalíe as actividades levadas a cabo.

QUINTA. PUBLICIDADE

En toda a documentación e informacións relativas ás actuacións derivadas do obxecto do presente convenio incluírase a imaxe corporativa que a este fin facilite a Deputación de Pontevedra.

As accións de promoción a desenvolver no marco do obxecto do convenio, deberán garantir un alto impacto e visibilidade da colaboración prestada pola Deputación de Pontevedra.

Por outra parte, en cumprimento do establecido na resolución de 15 de xuño de 2020, da Intervención Xeral da Administración do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento e cara a contribuír ós principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.



SEXTA. COMPATIBILIDADE CON OUTRAS SUBVENCÍONS

A achega económica prevista no presente convenio será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo das actuacións subvencionadas recollidas no anexo I.

SÉTIMA. XUSTIFICACIÓN DA SUBVENCIÓN

Os gastos xustificados deberán axustarse aos conceptos incluídos no orzamento inicial, sen que se abone máis que o importe xustificado co límite da subvención concedida, establecendo una porcentaxe de desviación máxima no custo dos diferentes conceptos da actividade subvencionada con respecto ao orzamento inicial do 20 %.

A documentación xustificativa a presentar polo beneficiario previa á realización do pago final será a seguinte:

- a) Conta xustificativa dos gastos, na que figurará a relación do custo ou gasto total da finalidade subvencionada, detallando as facturas ou documentos con valor probatorio no ámbito mercantil e administrativo, así como a súa aprobación polo órgano competente.
- b) Facturas ou documentos análogos con valor probatorio no ámbito mercantil e administrativo dos custos ou gastos polo importe da subvención concedida.
- c) Declaración responsable de que os gastos que figuran na conta xustificativa se aplicaron á finalidade subvencionada. Así mesmo, indicarse que o resto de xustificantes da conta estarán a disposición da Deputación para o seu exame no caso de que sexa requirida.
- d) Memoria explicativa e detallada da realización da finalidade.
- e) Memoria de gastos e ingresos relacionados coa actividade.
- f) Declaración das axudas solicitadas ou concedidas para a mesma finalidade procedentes das distintas administracións públicas ou doutros entes públicos ou privados, na que se indicará de ser o caso, a entidade concedente, data e importe total concedido.
- g) Declaración responsable de non estar a beneficiaria incurso en ningunha das causas previstas no artigo 10.2 da LSG, para ser beneficiaria desta axuda, así como os certificados que acrediten non ter



débedas con Axencia Estatal de Administración Tributaria, coa Axencia Tributaria de Galicia, coa Seguridade Social e coa Deputación de Pontevedra.

h) Xustificación da divulgación do financiamento da actividade por parte da Deputación.

i) Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.

OITAVA. COMISIÓN DE SEGUIMIENTO

Para o seguimento, coordinación, vixilancia e control da execución do obxecto deste convenio, así como a resolución de dúbidas e resolución de conflitos que poidan producirse na súa interpretación, crearase unha comisión mixta con representantes designados de cada unha das partes en réxime de paridade, e sen prexuízo de que poida solicitarse, de mutuo acordo, a presenza puntual doutros membros e/ou asesores.

Corresponderá á Comisión de Seguimento:

- A puntual recepción de información sobre todas as actuacións que se produzan na execución do obxecto do convenio.
- A coordinación entre as partes asinantes na execución das actuacións obxecto do convenio, ditando ao efecto as instrucións oportunas.
- A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das partes asinantes.
- A emisión de informe en relación coa necesidade do reaxustar ou modificar as actuacións que se estean realizando no marco do convenio e en relación con cantas incidencias se produzan na súa execución.
- A formulación das propostas que procedan en relación ás cuestións a que os seus informes se refiran.
- Propoñer, de mutuo acordo, a prórroga deste convenio.

A Comisión de Seguimento reunirse cando o estime conveniente o seu responsable, por decisión propia ou a petición de calquera dos seus membros. As súas reunións terán lugar no Pazo Provincial da Deputación de Pontevedra, salvo que se acorde a súa celebración noutro lugar. Na reunión constituínte da Comisión de Seguimento designarase ao seu responsable e ao seu secretario que



levantará acta das súas reunións. En defecto de acordo a presidenta da Deputación sinalará o responsable da Comisión, que actuará en calidade de presidente.

NOVENA. VIXENCIA

O presente convenio producirá os seus efectos desde a data da súa sinatura ata a total execución das actividades ás que o mesmo se refire, que en todo caso non excederá do 31/12/2023, estendéndose o seu prazo de xustificación como máximo ata o día 31/03/2024.

DÉCIMA. EXTINCIÓN DO CONVENIO

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

1º.- O transcurso do prazo máximo de vixencia do convenio.

2º.- O acordo unánime dos asinantes.

3º.- O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumpridora un requirimento para que, no prazo que se sinale, cumpra coas obrigacións ou compromisos que se consideran incumpridos. Este requirimento será comunicado tamén ao responsable da Comisión de Seguimento.

Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos danos e perdas causados.

4º.- Por decisión xudicial declaratoria da nulidade do convenio.

5º. Por calquera outra causa que faga inviable a continuación das actuacións obxecto deste convenio, previa comunicación e tratamento pola Comisión de Seguimento.

DÉCIMO PRIMEIRA. CLÁUSULA DE CONFIDENCIALIDADE

Cada una das partes comprométese a non difundir, baixo ningún aspecto, as informacións científicas ou técnicas no desenvolvemento dos proxectos de investigación que se leven a cabo. Os datos e informes obtidos durante a realización dos proxectos conxuntos, así como os resultados finais, terán carácter confidencial. Cando una das partes desexe utilizar os resultados parciais ou finais, en parte



ou na súa totalidade, para a súa publicación como artigo, conferencia, etc., deberá solicitar a conformidade da outra parte por escrito, mediante carta certificada dirixida ao responsable do seguimento do proxecto.

Calquera que sexa o modo de difusión, respectarase sempre a mención dos/os autores/as do traballo. No caso de patentes, estes/estas figurarán en calidade de inventores/as. En calquera caso, farase sempre referencia especial a este convenio.

DÉCIMO SEGUNDA. RÉXIME XURÍDICO E XURISDICIÓN

O presente convenio ten natureza administrativa, rexéndose polas cláusulas establecidas nel, pola Lei 38/2003, de 17 de novembro, xeral de subvencións e polo Regulamento de desenvolvemento desta Lei, aprobado polo Real Decreto 887/2006, de 21 de xullo, pola Lei 9/2007, de 13 de xuño, de subvencións de Galicia e polas restantes normas de dereito administrativo; a lexislación básica do Estado en materia de réxime local; as Bases de Execución dos orzamentos das Administracións asinantes; a Ordenanza Xeral de Subvencións da Deputación Provincial e polas restantes normas de dereito administrativo, e no seu defecto as normas de dereito privado.

Así mesmo, a falta de entendemento previo pola Comisión de seguimento e control as partes quedan sometidas á xurisdición contencioso-administrativa na resolución de posibles controversias que puideran suscitar o incumprimento ou a interpretación do convenio.

E, como proba de conformidade, asinan o presente Convenio, na data da sinatura electrónica.

O reitor magnífico da Universidade de Vigo, Manuel Joaquín Reigosa Roger.

A presidenta da Deputación Provincial de Pontevedra, María del Carmen Silva Rego.

O secretario xeral da Deputación Provincial de Pontevedra, Carlos Cuadrado Romay.

ANEXO I

1. A definición do obxectivos específicos.

O principal obxectivo do convenio é contribuir ao proceso de especialización no que está inmerso o Campus universitario de Pontevedra. A financiación das actividades propostas contribuirá á consecución dos obxectivos marcados no Plan estratéxico do Campus CREA.

Como obxectivos secundarios identifícanse:



- a. Promoción do programa de doutoramento CREA. Este programa de doutoramento ten moitas particularidades xa que é único a nivel internacional e promove a investigación académica inter e multidisciplinar. Calquera traballo académico que se faga dentro deste programa debe traballar, alomenos, dúas liñas de investigación diferentes pero complementarias dentro do marco establecido polo campus de especialización. Este programa está captando moitos doutorados e doutoradas procedentes doutros países, pero é preciso dar continuidade a un proceso de internacionalización que permita seguir acadando os obxectivos específicos do programa de doutoramento e do campus de especialización.
- b. Planificación e execución de eventos deportivos e culturais que fortalezan a proposta de cara á consecución da acreditación do campus de especialización. Tanto os eventos deportivos coma os culturais serán dirixidos aos membros da comunidade universitaria, pero tamén á sociedade en xeral e ao entorno máis inmediato da cidade e da provincia de Pontevedra. Procurarase levar a cabo accións nas que os participantes podan tomar parte de forma máis ou menos activa.
- c. Promover a transferencia de coñecemento da universidade ás empresas e institucións do entorno. Tal e como se recolle nas liñas estratéxicas do Campus CREA é preciso a colaboración do eido social, empresarial e institucional para fortalecer vínculos que permitan afianzar o campus de especialización.

2. A descrición do programa de traballo.

- a. Promoción do programa de doutoramento CREA.
 - Captación de alumnos internacionais a través de accións online e presenciais.
 - Captación de docentes internacionais a través de accións online e presenciais.
 - Promoción de proxectos e publicacións académicas interdisciplinares entre os docentes e doutorados/as implicados no programa.
- b. Actividades deportivas e culturais.
 - Anteproxecto da posible creación dunha rede de museos universitarios no Campus de Pontevedra.
 - Organización de actividades deportivas no campus. Dada a tradición que o piragüismo ten na cidade de Pontevedra, expónse levar a cabo un curso de iniciación a este deporte, dirixido a toda a comunidade universitaria. Tras este curso de iniciación exporase co Servizo de Deportes da universidade de Vigo a creación dunha liga intercampus.
 - Organización de actividades culturais no campus:
 - Obradoiro de teatro.
 - Obradoiro de danza.



- Creación do grupo de música tradicional no Campus de Pontevedra.
- c. Actividades coas entidades sociais, empresariais e institucionais da contorna.
- Organización de foros universidade-empresa na que entren en contacto organizacións empresariais e docentes e investigadores do campus de Pontevedra.
 - Promoción de convenios de colaboración coas entidades sociais, empresariais e institucionais e o Campus de Pontevedra
 - Promoción de investigación conxunta entre as organizacións privadas e públicas da contorna e os grupos de investigación do Campus de Pontevedra.

3. A formulación do orzamento total.

DIVULGACIÓN DO DOUTORAMENTO CREA	10.000€
Asistencia a congresos/feiras internacionais	3.000€
Elaboración video promocional	4.000€
Diseño e compra de material promocional	2.000€
Envío postal de material promocional	1.000€
ORGANIZACIÓN DE EVENTOS CULTURAIS E DEPORTIVOS	15.000€
<i>Obradoiro de teatro no campus</i>	6.100€
Escenografía e vestuario	600€
Honorarios por 110 horas de docencia	5.500€
<i>Obradoiro de danza no campus</i>	2.000€
Honorarios por 40 horas de docencia	
<i>Creación grupo de música tradicional</i>	2.000€
Dirección do grupo (16 horas)	800€
Confección de repertorio	1.000€
2 concertos: 100€/concerto	200€
<i>Curso iniciación a piragüismo</i>	1.894€
Aluguer embarcacións	894€

Curso iniciación 10 horas	500€
Monitor para entrenamentos	500€
<i>Organización de campeonato de piragüismo Intercampus (Vigo-Ourense-Pontevedra)</i>	1.006€
Contratación de 2 árbitros (100€/árbitro)	200€
Traslados dos deportistas entre os campus	600€
Planificación do Campeonato	206€
<i>Estudio viabilidade da creación de museos Universitarios</i>	2.000€
Consultoría externa	1.000€
Creación de Contidos expositivos	1.000€
PROXECTOS UNIVERSIDADE-EMPRESA	5.000€
<i>Organización de 3 foros de emprendemento</i>	
Honorarios de conferenciantes	3.500€
Producción e planificación de workshops	750€
Promoción	750€